

Elektronska obrada zaostalih komunalnih predmeta Nema socijalnog mira preko leđa suda

U Općinskom sudu Sarajevo jučer je predstavljen projekat Kodifel, koji ima za cilj urgentno rješavanje velikog broja zaostalih komunalnih predmeta. Prema posljednjim podacima, u ovom sudu oko 900 hiljada slučajeva zahtijeva proces konverzije u digitalni format i elektronsku obradu.

“Drago mi je što se konačno krenulo u rješavanje ovog problema. Između ostalih problema na ovo smo ukazivali i prije nekoliko godina. Ne može se čuvati socijalni mir preko leđa suda. Dosad smo imali nekoliko sastanaka s predstavnicima vlasti i komunalnih preduzeća, ali sve je



Projekat vrijedan 250 hiljada maraka

Foto: D. ČUMUROVIĆ

ostajalo samo slovo na papiru. Ovo ne možemo sami riješiti već se moraju uključiti i izvršne i zakonodavne vlasti”, istakao je Goran Salihović, predsjednik Općinskog suda.

Ovim projektom će sva predmetna dokumentacija koja je

razmještena u različitim objektima suda biti kompjuterizovana, označena jedinstvenim bar kodom i složena u arhivske kutije. Projekat je vrijedan oko 250 hiljada maraka, a cjelokupan posao trebao bi biti završen za oko šest mjeseci.

S. Hu.